

Հայաստանի ազգային ագրարային համալսարանի գիտական խորհրդի

ՈՐՈՇՈՒՄ

Ուսանողների հաճախումների վիճակը սեպտեմբեր-հոկտեմբեր ամիսներին

(արձանագրություն №2, 23.10.2018թ.)

Համալսարանի Գիտական խորհուրդը լսելով և քննարկելով ուսումնական պարապմունքներին ուսանողների հաճախումների վիճակի և առկա խնդիրների վերաբերյալ ուսումնամեթոդական կենտրոնի տնօրեն-պրոռեկտորի պաշտոնակատար Ս.Դավեյանի զեկուցումը, նշում է, որ ուսումնական գործընթացն ամբողջությամբ և ուսումնական պարապմունքներին ուսանողների հաճախումների հարցը գտնվում է համալսարանի Գիտական խորհրդի, ռեկտորատի, ուսումնամեթոդական կենտրոնի, ֆակուլտետների և ուսանողական խորհրդի ամենօրյա ուշադրության կենտրոնում: Համալսարանում մեծածավալ աշխատանքներ են տարվում ուսումնական գործընթացի պատշաճ իրականացման և ուսանողների հաճախումների բարձր ցուցանիշ ապահովելու ուղղություններով:

Այնուամենայնիվ դասաձախողումների բացառման, դասախոսների անհարկի փոխարինումների և ուսանողների անհարգելի բացակայությունների նվազեցման ուղղությամբ դեռևս շատ անելիքներ կան:

Ելնելով վերոնշյալից Գիտական խորհուրդը որոշում է.

Հանձնարարել՝

1. Ուսումնական աշխատանքների գծով պրոռեկտոր Ռ.Մակարյանին և ուսումնամեթոդական կենտրոնի տնօրեն-պրոռեկտորի պաշտոնակատար Ս.Դավեյանին.
 - 1.1. Մեկ շաբաթյա ժամկետում դեկանների հետ համատեղ վերանայել ուսանողների գիտելիքների գնահատման համակարգը, առաջարկություններ կայացնել ուսանողի անհարգելի բացակայության առավելագույն այն ժամաքանակի վերաբերյալ, որից ավել բացակայության դեպքում ուսանողի նկատմամբ կկիրառվի տույժերի համակարգ:
 - 1.2. Տասնօրյա ժամանակահատվածում համապատասխան դեկանների հետ քննարկումներ կազմակերպել առավել ցածր հաճախումների արդյունքներ գրանցված կուրսերի և դասախոսների վերաբերյալ, պարզել պատճառները և

ձեռնարկել համապատասխան միջոցառումներ հաճախումների վիճակը բարելավելու ուղղությամբ:

1.3. Ֆակուլտետների դեկանների հետ համատեղ ուժեղացնել վերահսկողությունը ուսումնական պարապմունքների կազմակերպման և իրականացման գործընթացների նկատմամբ:

1.4. Մեկամսյա ժամկետում ուսանողների հաճախումների ցածր արդյունքներ արձանագրված դասախոսների մոտ կազմակերպել դասալսումներ, իրականացնել քննարկումներ և դրանց արդյունքների հիման վրա ներկայացնել համապատասխան առաջարկություններ:

2. Ֆակուլտետների դեկաններին և ամբիոնի վարիչներին

2.1. Մեկ շաբաթյա ժամկետում ուսումնական աշխատանքների գծով պրոռեկտորին ներկայացնել ծրագիր - առաջարկ ուսումնական կարգապահության բարձրացման և ուսանողների հաճախումների պատշաճ մակարդակ ապահովելու ուղղությամբ:

2.2. Մեկ շաբաթյա ժամկետում ճշտել առավել շատ անհարգելի բացակայություններ ունեցող ուսանողների ցուցակները, ուսանողների հետ տանել անհատական աշխատանքներ՝ հաճախումները բարելավելու ուղղությամբ:

2.3. Մշտական հսկողություն սահմանել ուսումնական կարգապահության և ուսանողների հաճախումների նկատմամբ, բացառել դասաձախողումները, իսկ դրանց առկայության դեպքում լրացումները կատարել սահմանված կարգին համապատասխան:

2.4. Ամբիոններում ապահովել արտադրական ոլորտից և այլ բուհերից հրավիրված 0,25 և 0,5 հաստիքով աշխատող դասախոսների կողմից ուսումնական պարապմունքների անցկացումը՝ բացառելով փոխարինումները:

ԳԻՏ.ԽՈՐՀՐԴԻ ՆԱԽԱԳԱՆ՝

Վ.ՈՒՌՈՒՏՅԱՆ

ԳԻՏ. ՔԱՐՏՈՒՂԱՐ՝

Դ.ԲԱԼԱՍԱՆՅԱՆ